

Ambasadori zemalja članica Upravnog odbora Vijeća za provedbu mira upozorili na pokušaje politiziranja postupka koji provodi Visoko sudsko i tužilačko vijeće

Ambasadori zemalja članica Upravnog odbora Vijeća za provedbu mira u Bosni i Hercegovini danas su podsjetili političke lidere u BiH da je profesionalno i nezavisno sudstvo ključni evropski standard, kao i ključni zahtjev za integraciju BiH u evropske i evroatlantske strukture.

Ambasadori su izrazili zabrinutost zbog nedavnog politiziranja procesa imenovanja sudija i tužilaca. To bi moglo onemogućiti sadašnje napore na uspostavljanju potpuno funkcionalne institucije BiH od Visokih sudskih i tužilačkih vijeća (Vijeća) do kraja ove godine, te bi moglo imati uticaja na tempo integracije BiH u Evropu.

Cilj procesa ponovnog imenovanja koji je trenutno provode Vijeća ja da se osigura da BiH sudstvo ispunjava evropske standarde nezavisnosti i stručnosti kao i da se ponovo uspostavi multietnička ravnoteža koja je poremećena ratom. Ambasadori su izrazili uvjerenje da će BiH sudstvo, po okončanju ovog procesa, ponovo odražavati multietničku prirodu ove zemlje, te su još jednom potvrdili punu podršku radu Vijeća. Međutim, veoma ozbiljno su upozorili da medijska kampanja koja se vodi protiv Vijeća obeshrabruje Bošnjake da se prijavljuju za mjesta u Republici Srpskoj, što otežava ponovno uspostavljanje multietničke ravnoteže.

Ambasadori su svima onima koji imaju pitanja o ustavnosti ovog procesa preporučili da se obrate nadležnom ustavnom sudu. U ovom trenutku je važno dozvoliti Visokom sudskom i tužilačkom vijeću da nastavi raditi svoj posao. Tek polovina posla je urađena, a ambasadori su sigurni da će po okončanju sudovi i tužilaštva odražavati multietničku prirodu BiH uključujući i rukovodeće funkcije. Nastavak ove medijske kampanje sada predstavlja najveću prijetnju uspjehu.